

MALIGATSAIT ÂKISIGIAGIAMUT SULIAKATTET SULIAKAPVINGANI MALIGATSANIK
(2007)

kenaujaligjina Nunatsiavut, aulatsititauilluni atâni allasimajuk 37 uvani *Nunatsiavut SuliaKattet PikKujangani* ammalu pusiukKujangit AngajukKaunet katimajet sakKititaujut 13th ullungani August 2013, uvanilu 18th ullungani Januar 2015 ammalu uvani 21st ullungani Januar 2015, Kuviasujuk kajusittisigiamik ukuninga maligatsanik:

SuliaKattet Maligatsangita AllaKutinga ÂkKigiattaujuk

1. **SuliaKattet Maligatsangita AllaKutinga, Ilagiagutik 1 ukununga *SuliaKattet SuliaKapvingani Maligatsait (2007)*, ÂkKigiattausimajuk imailingatillugu:**
 - (a) **Allasimajuk 2(A)(2) ÂkKigiattausimajuk pejadlugu uKausik "uKâlalluni ubvalu".**
 - (b) **Allasimajuk 2(C)(1) pejausimajuk ammalu asitâdlugit ukuninga:**
 - 1) SuliaKattik tigusiaKangilak aittosiamik suliaKalluni suliatimini, kisiani pusiunginnatuttigit tautseKataulluni inotsiaKatigennimut akungani inuit suliaKaKatigellutik, nalunaikkutait tautsegutaujut ilangaullutik maligatsatigit, ubvalu pusiunginnatuttigit tunijauppata aittosiat inunmut ilauKataujumut inuit ilauKatigetillugit.
 - (c) **Nutâk allatausimajuk ilagiagutik uvunga 2(C) imailingajuk:**
 - 2) Aittosiat akitumitsaupata \$250-mit uKautaugialik Nunatsiavut kavamanganut allât isumagijautinnagaluappata tautsegutitunnauningit aittosiangullutik.
 - (d) **Allasimajuk 4(E) ÂkKigiattausimajuk pejadlugu nalunaikkutak ammalu uKausingit "asitsanganik ulluliullugu ubvalu aulatsigiamut pijausongugialet ÂkKitaugialet" tagvainak malillugu "finfiliak agvak ullukut"**
 - (e) **Allasimajuk 6(F)(2)(a) pejausimajuk asitâttaudluni ukuninga:**
 - a) SuliaKattik ilaugunnangituk nottitaugiamut ubvalu puttunisamottaugiamut.
 - (f) **Nutâk allasimajuk ilagiagutik 6(G) imailingajuk:**
 - 7) SuliaKattiup inigisimajanga sakKjâgunnaipat ammalu suliaKattiup piusinga nâmmagunnaipat ubvalu suliaKattik nukKagumappata nutâmik suliatimini, suliaKattisujuk nukKatitsigiaKavuk nâmmasiattumik Kaujimattisilluni malillugu Canadami Sulialet Maligatsanga.
 - (g) **MALITTAUGIALIK 3 allasimajumi 10(2) ammalu allasimajut malijut pejaullutik asitâllugillu ukuninga:**

MALITTAUGIALIK 3 –AngiKatigegunnangippata Malittaugialik 2-mi, suliaKattik tunitjigiaKavuk nâmmasingiutiminik allasimatillugu aitillugu Aulatsijinganut SuliaKattuligijet maggoni (2) suliaKapviutillugu ulloni Aulatsiji ubvalu AngajukKâk allasimalluni kiuguteginnik Malittaugialik 2-mi. Aulatsiji SuliaKattinik ubvalu katimajini tiljaumajuk kenaujaligijimmut ammalu ilautillugit Tullia Minister, ammalu Aulatsiji ammalu katimatitsitillugu Aulatsiji SuliaKattinik uKagiaKavuk pusiugasuajumik, malittaugiaKaniatillugu.

Aulatsiji SuliaKattinik kiugiaKavuk allaluni suliaKattinut ulluni tallimani (5) suliaKapviutillugu ullunginni.

- (h) Allasimajuk 12(6) pejausimajuk asitâdlugu imailingajumik:
 - 6) Kagitaujatigut allasimajumik ilonnainik pejattaumajunik katillugu akiliusianganit atitaugiaKavuk atunit suliaKattinut.
- (i) Allasimajuk 19(D)(2) âkKigiattausimajuk ilagiadlugu tagvainak kingungagut uKausiup "ningauk," ukua uKauset "anânatsiak ubvalu atâtatsiak" ammalu nalunaikkutanga.
- (j) Allasimajuk 27(1) pejausimajuk ammalu allasimajuk 27(2) asianik nomarattâtaudlumi 27(1)-mik.
- (k) Allasimajuk B Ilagiagutik 3-mi âkKigiattausimajuk ilagiadlugu nutâmik allagiallasimajumik imailingajumik:
 - 6) SuliaKattik nukKangaguni akilittutaungimagilluni, ilaugunnaluni aullagiamut akiliutinik akilittaugunnaKuk utituaguni suliaKapviminut

AtuttauliaKinitsanga Ulluk Allasimajuk 1-mi

- 2. Allasimajuk 1 tagvani maligatsamik atuttaugiaKavuk ilonnainut atuttaugialinnut atuttauliaKinimminut 9th ullungani Fevruar 2015-mi.

Tukinga "Nagvâtaugunnangit SuliaKattisat" ilagiadlugu Allasimajuk 1(B) SuliaKattet Maligatsangita AllaKutingani

3.

- (1) Allasimajuk 1(B) SuliaKattet Maligatsangita AllaKutingani, Ilagiagutik 1 ukununga *SuliaKattet SuliaKapvimi Maligatsangit (2007)*, âkKigiattausimajut asitâdlugit nomarangit allagiagiallasimajumi (10)-mit (15)-mut ilonnatik allagiallasimajut (11)-mit (16)-mut ilallugit nutâmik allagiallasimajumik (10)-mi imailingajut:
 - 10) "Nagvâtaugunnangit SuliaKattet" uKautiKavut suliatsanginni ilingajut ukununga:
 - a) KinittaugiallatâKattajut piggagasuadlutik pigunnagatik Kinigiamut ilisimatsiajunik ottugajutsanik;
 - b) suliatsak ottugattaugianga angmainatillugu ilonnainut ottugumajunut iluani sivungani 18 takKet; ammalu ununningit ottugagatsait pititsitillugit ikinnisanik tallimanit ilisimatsiajunit, ilaugunnatunit, ammalu atuinnaujunik ottugagiamut sivungani 18 takKiusimajut;
 - c)
- (2) UKauset ammalu allasimajut "nagvâtaugunnangit suliaKattet" ammalu "Nagvâtaugunnangit suliaKattet" iluani allasimajuk 12(8), Ilagiagutik A (C)(3) ammalu pingajungani allasimajuk Nalunaikkutak "D" SuliaKattet Maligatsangita AllaKutingani, Ilagiagutik 1 uvani *SuliaKattet SuliaKapvimi Maligatsangit (2007)*, pejaujut ammalu atunit asitâtaudlutik "Nagvâtaugunnangit SuliaKattet".

Atuttaugiasilluni Ulluk Allasimajuk 3-mi

4. Allasimajuk 3 tagvani maligatsami atuttaugiasigiaKavuk 24th ullungani Mertz 2015.

Allasimajuk 19.D SuliaKattet Maligatsangita AllaKutingani, Ilagiagutik 1 ukununga *SuliaKattet SuliaKapvingani Mallgatsait (2007)*, âkKigiattaujuk pejadlugu allagiallasimajut (1) ammalu (2) ilonngit ammalu asitâdlugit ukununga:

5. Allasimajuk 19.D SuliaKattet Maligatsangita AllaKutingani, Ilagiagutik 1 ukunani *SuliaKattet SuliaKapvingani Mallgatsait(2007)*, âkKigiattaujuk pejadlugit allagiallasimajut (1) ammalu (2) ilonngit ammalu asitâdlugit ukununga:

- 1) SuliaKattik KinugunnaKuk akilittauluni nukKangagiamut kitsanimmut suliaKapvimit ukua malilugit:
 - a) tallimait (5) akilittauluni suliaKapvimi ulluit tuKujuKannipat
 - (i) suliaKattiup aippanga ubvalu ilagijanga,,
 - (ii) suliaKattiup anânanga ubvalu atâtanga,
 - (iii) aippanga ubvalu ilagijanga suliaKattiup anânanga ubvalu atâtanga,
 - (iv) anânanga ubvalu atâtanga suliaKattiup aippangata ubvalu ilagijangata,
 - (v) aippanga ubvalu ilagijangata anânanga ubvalu atâtanga suliaKattiup aippangata ubvalu ilagijangata, ubvalu
 - (vi) suliaKattiup maligatsatigit paitsijinga, sugusik, tiguak, tigumiattaujuk sugusik, ingutak, nukak, anik, atâtatsiak ubvalu anânatsiak.
 - b) pingasut (3) akilittauluni suliaKapvini ulluni tuKunnipat suliaKattiup ajanga, akkanga, nuanga, Kangianga, ukuanga, ningaunga, ukuagâtsunga ubvalu ningaunga.
 - c) ullop agyanganik (1/2) akilittauluni suliaKapvini ulluni ilauKataugiamut iluvitsijunut inummik asiagut uKattaujuk inuk uKautaujuk allasimajuk a)-mi ubvalu b)-mi.
- 2) SuliaKattet ilauttitaugunnatut suliaKapvimi iluvitsijunut nunalinni tâvatuak Nunatsiavut kavamangata suliaKapvingit nunalinni angmainaniattut kisiani ilonnatik suliaKattet suliaKapvimit ilaugasuappata iluvitsijunut.

Atuttaugiasilluni Ulluk Allasimajuk 5-mi

6. Allasimajuk 1 tagvani Maligatsamik atuttaugiaKavuk ilonnainut ilingajut atuttaugiasinningani Auggos 13, 2013-mi.